



*Dieu forma la femme de la coste d'Adam, & la nomma Eue, estant  
chair & os de l'homme.*

**H**OMME estant formé de poudre & terre, inspiré de l'esprit de vie, & fait ame viuante, le Seigneur Dieu le mit au iardin qu'il auoit planté en Eden vers Orient pour y habiter, où le Seigneur Dieu auoit fait germer toutes sortes d'arbres plaisans à voir, & bons à manger. Et au milieu du iardin les Arbres de vie, & de science de bien & de mal y estoient: avec vn fleuve se separant en quatre, trauerfant les quatre principales parties de l'Vniuers. Or le Seigneur mit en la puissance de l'homme tout ce qui estoit au iardin, & luy defendit de manger de l'Arbre de science, de bien & de mal, sur peine de mort. Et apres Dieu dit, Il n'est pas bon que l'homme soit seul, ie luy feray vn aide semblable à luy. Adam donc imposa noms à toutes choses, qui auoient ame viuante: Mais il n'auoit point trouué d'ayde semblable à luy. Parquoy Dieu luy enuoya vn sommeil, & tira vne femme de sa coste que Dieu montra à Adam. Et la voyant dist, C'est os de mes os, & chair de ma chair. On l'appellera Homasse, car elle a esté prise de l'homme: Parquoy l'homme laissera pere & mere pour s'adioindre à sa femme. Or estoient-ils tous deux nuds, & n'en auoient point de honte.

*Genese 2. Chap.*